



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Commirii E Societate Jesu Carminum Libri Tres

Commire, Jean

Lutetiæ Parisiorum, 1678

XXVIII. Ad Eundem. Pro piscibus.

urn:nbn:de:hbz:466:1-14818

Heu! quæ deceptus sibi finxit somnia lector,
 Fœcundâ in proprios credulitate metus!
 Dum plantis pisces, insectis gramina mutat;
 Dum volucres credit nare, volare feras.
 Has demum ambages tollis, Bocharte: priusque
 Invia, jam nobis te duce plana via est.
 Spectraque, quæ dudum fallax induxerat error,
 Ingenii fugiunt lumine pulsa tui.
 Restituis formamque, antiquaque nomina rebus,
 Nec pateris dubiam vatibus esse fidem:
 Quos tibi pro tali merito reddemus honores,
 Aut quæ posteritas præmia fera dabit?
 Sed taceant homines. Mutis animalia linguis
 In laudes discent esse diserta tuas.

XXVIII.

AD EUNDÉM.

Pro piscibus.

DUM mortale nefas ultricibus expiat undis,
 Atque hominum pœnas naufragia terra luit:
 Miserat ira Dei volucres & sæcla ferarum,
 Quæque domos celebrant, quæque vagantur agris.
 Et ni ferret opem fatali puppe Noachus,
 Perdita venturæ spes quoque gentis erat.
 Soli exultabant communi in funere pisces,
 Imperio læti cedere cuncta suo.
 Hanc illis sortem invidit damnosa vetustas,
 Et pœnæ expertes non tulit esse diu.
 Quos non perdiderat cœli furor æquore toto,
 Illos Lethæis improba perdit aquis.

Laus tua quam veteris major , Bocharte , Noachi ,
Naufragio pisces eripuisse suo.

XXIX.

*De Aurelio abbatis sancti Cigirani , & Augustino Jan-
senii , famosis hac etate libris.*

FAMOSO pretium facturus Vasco libello ,
Aureli nomen summis inane sibi .
Calvini Batavus restaurans dogmata , nomen ,
Augustinus , opus jussit habere suum .
Sicque ambo insignem sibi divisere magistrum ,
Præfule quo stellis se tulit Hippo parem .
At qualem , ô miseri , Divo monstratis amorem ?
Dispeream , si vos hic redamare potest .
Integrum per quos sibi non licet esse , fatetur
Carnifex , renuit dicere discipulos .

XXX.

De Romulo Amulii interfectorie.

ROMULUS incesti damnatus fraude parentis ,
Ipsius immerita morte piare nefas :
Clementes expertus aquas , rictusque luporum ,
Mitius ingenium senserat esse feris .
Sæva Deûm invidit juveni fortuna fauorem ,
Et sceleris puras noluit esse manus .
Ultori genitricis , avi , fratrisque , suique ,
Ignotum objecit perfida in hoste patrem .
O laurum ambiguam ! casu cernuntur in uno
Virtus facta nefas , & patricida pius .

Dionisius Hal-
carn. scribit Amu-
lium vitiaſſe Iliā
Romuli matrem.